

Dapli cussegliaziun persunala e novas soluziuns digitalas Novas purschidas en la sala da clients da la BCG sin il Postplatz a Cuira

Cuira, ils 26 da mars 2018 – La Banca Chantunala Grischuna (BCG) ha adattà sia sala da clients sin il Postplatz a Cuira als novs basegns areguard servetschs da banca. Dapi ils 19 da mars profiteschan clientas e clients d'ina cussegliaziun amplifitgada. Grazia a la nova «insla da digital banking» pon persunas interessadas plinavant testar e survegnir in'invista en ils divers products e las differentas soluziuns digitalas multifaras da la banca.

Clientas e clients fan pli e pli savens simplas fatschentas da banca davent da chasa via chanals electronics u nizzegian ils apparats d'autoservetsch en las agenturas. En las filialas van els cunzunt per ina cussegliaziun specifica u pervi da basegns individuals. Sin quest svilup reagescha la BCG cun novas purschidas. In ulteriur exempel è la sala da clients transformada sin il [Postplatz a Cuira](#).

Nova «insla da digital banking» per soluziuns digitalas

Dapi in'emna gestiunescha la BCG ina nova «insla da digital banking». Uschia po ella mussar a sias clientas ed a ses clients las soluziuns online confortablas sin in visur grond. Persunas interessadas las pon era gist testar sezzas e sa persvader dals avantatgs. Tranter auter datti las suandantas pussaivladads per far autonomamain fatschentas da banca:

- [Mobile Banking BCG](#): far fatschentas da banca en viadi grazia a l'app gratuita per smartphone e tablet.
- [E-banking BCG](#): ina soluziun simpla e segira per tut las fatschentas da banca.
- [Assistent da finanzas BCG](#): vesair en in'egliada tut las entradas ed extradas cun l'app Mobile Banking ed en l'e-banking.
- [Center da clientella online BCG](#): empustar cumadaivlamain a chasa francs svizzers e valutas estras, fixar termins da cussegliaziun, transmitter a moda segira documents a la banca e tegnair la survista da cartas da credit.
- [TWINT](#) – la bursa digitala: pagar spert e segir sin cassa da butias u en l'internet cun l'app TWINT e transferir daners sin contos d'auters utilisaders da TWINT.
- [Apple Pay e Samsung Pay](#): pagar a moda pli segira e pli simpla cun il smartphone en numerusas fatschentas ed ad automats da bigliets – e quai en tut il mund.
- Pajar senza contact cun la [carta Maestro da la BCG](#) e cun las [cartas da credit da la BCG](#).

La BCG investescha cuntinuadamain en sias soluziuns digitalas, cun las qualas ella vul simplifitgar las fatschentas da banca per ses clients. Infurmaziuns davart tut ils products chatt'ins sut gkb.ch/digital.

Dapli cussegliaziun persunala

Clientas e clients fan pli e pli savens fatschentas da banca via chanals electronics. Da transacziuns al spurtegl vegn fatg diever adina damain. Cun las capacitads che vegnan uschia libras po la BCG amplifitgar la cussegliaziun persunala – e quai senza reducir il persunal. Cussegliaziuns individualas en in'atmosfera discreta garantescha la banca per exempel cun las nischas en la sala da clients. Questas zonas èn concepidas per far fatschentas, avrir contos e vender cartas u per dar infurmaziuns areguard il med da pajament adattà per viadis. «Las novaziuns a la sedia principala da la BCG a Cuira procuran per dapli proximitad a la clientella e per ina tgira anc pli conforma als basegns. Da quai profiteschan tant las clientas ed ils clients sco era las collavuraturas ed ils collavurats che pon uschia schlargiar lur activitads da cussegliaziun», declera Martin Gartmann, manader clients privats.

Sustegn vi dals bancomats

A la sedia principala da la BCG sin il Postplatz a Cuira stattan a disposiziun quatter spurtegl per far pajaments, per retrair valutas estras e per far autras fatschentas da banca simplas. Per retrair daners d'in conto e per transferir daners d'in conto a l'auter èn prontos ultra da quai quatter bancomats entaifer ed ordaifer la sala da clients. Uschia pon vegnir reducids ils temps da spetga als spurtegl. En cas ch'ins dovra agid vi dals bancomats, gidan ils cussegladers gugent.

Contact per ils collavurats da medias:

Banca Chantunala Grischuna, Medias & Investor Relations, chascha postala, 7001 Cuira
 Thomas Müller, thom.mueller@gkb.ch, telefon +41 81 256 83 11
 Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa 985 collavuraturas e collavurats (stadi dals 31-12-2017). En il chantun Grischun cun sias numerusas vals e pliras linguas, è l'interpresa represchentada cun 56 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 25,6 milliardas in dogon dal concern da CHF 180,3 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants:	5 da matg 2018
Rendaquint semestral 2018:	26 da fanadur 2018
Quint annual 2018:	8 da favrer 2019
